

ETNE KONTROLLUTVAL

PROTOKOLL

Måndag 10. november 2014 blei det halde møte i Etne kontrollutval under leing av utvalsleiar Ståle Tungesvik.

MØTESTAD:	Etne Tinghus, formannskapssalen
MØTESTART/-SLUTT:	kl. 13.00 – 15.30
MØTANDE MEDLEMER:	Ståle Tungesvik (Sp), Elisebeth Aasheim (Ap), Ivan Kaldheim (H), Trude Enge (Frp) til 15.00 og Lars Ebne (Krf)
FORFALL:	Ingen
MØTANDE VARAMEDLEMER:	Ingen
FRÅ SEKRETARIATET MØTTE:	Rådgjevar Odd Gunnar Høie, Haugaland Kontrollutvalgssekretariat IKS
FRÅ REVISJONEN MØTTE:	Revisor Randi Torbjørnsen - KPMG AS
ANDRE SOM MØTTE:	Rådmann Elling Hetland og leiar økonomi Vegard Bang i sakene 20-24/14, rektor Kjell Ingvald Matre, ass. rektor Erling Askeland og rådgjevar Dagfinn Garnes Johnsen i sak 22/14
MERKNADER TIL INNKALLING:	Ingen
MERKNADER TIL SAKLISTE:	Ingen

FØLGJANDE SAKER BLEI HANDSAMA:

SAK 20/14 GODKJENNING AV PROTOKOLL FRÅ MØTE 22.09.14

Sekretariatet si innstilling:

Protokollen frå møte i kontrollutvalet 22.09.14 blir godkjent slik han ligg føre.

Handsaming i kontrollutvalet 10.11.14:

Protokollen blei godkjent utan merknader.

Samrøystes vedtak i kontrollutvalet 10.11.14:

Protokollen frå møte i kontrollutvalet 22.09.14 blir godkjent slik han ligg føre.

SAK 21/14 REFERAT- OG ORIENTERINGSSAKER 10.11.14

Sekretariatet si innstilling:

20. Statusrapport pr. november 2014
21. Invitasjon til konferanse 20.11.14 i Sandnes - Forum for kontrollutvalg i Rogaland
22. K-styrevedtak sak 60/14 – revisjonsavtalen - bruk av opsjon
23. K-styrevedtak sak 61/14 – rapport «Sjølvcost»
24. Representantskapsmøte 25.11.14, kl. 15.00 – HIM IKS

Handsaming i kontrollutvalet 10.11.14:

Utvalssekretær gjorde greie for referatsakene. Ingen merknader.

Elisebeth Aasheim og Ståle Tungesvik deltek på konferansen i Sandnes. Påmeldingsfristen vart satt til tysdag 11.11.14 for andre som vil delta.

Samrøystes vedtak i kontrollutvalet 10.11.14:

Referatsakene 20 - 24 vert tatt til orientering.

SAK 22/14 ORIENTERING OM EININGANE – «SKULESEKTOREN»

Sekretariatet si innstilling:

Etne kontrollutval tar rådmannen sin presentasjon om «skulesektoren» til orientering.

Handsaming i kontrollutvalet 10.11.14:

Rektor ved Skånevik skule og ass. rektor ved Enge skule orienterte om skulane sine tiltak mot mobbing. Rådmannen og pedagogisk rådgjevar supplerte undervegs.

Utgangspunktet for alle tiltak var Opplæringslova § 9 a – om retten til et godt opplæringsmiljø. Utvalet fekk opplyst at skulane har handlingsplan mot mobbing. Dei har trivselsprogram og trivselsreglar, vaktordningar i friminutta, MOT-prosjekt og tett samarbeid med mellom anna helsesøster. Elevsamtalar og elevundersøkingar blei tatt på alvor og fylgt opp. Det blei gjort fleire enkeltvedtak no enn før (Enge skule) i mobbesaker. Dette innebar mellom anna at hendingar måtte skildrast og tiltak settast i verk.

Skulane hadde også fokus på digital mobbing. Skånevik skule var frå hausten 2014 ein mobilfri skule. Enge hadde eigne mobilreglar som fungerte tilfredsstillande.

Enge skule hadde ansvar for opplæringa av flyktningar, og hadde ein spesiell fokus på deira skulekvardag.

Rådmannen refererte ei høysterettsdom om erstatning i ei mobbesak. Kommunen hadde tidlegare motteke eit krav om erstatning i ei slik sak. Han peika på at det er viktig med god dokumentasjon i saker som handlar om mobbing og tiltak.

Medlemmene hadde nokre spørsmål undervegs.

Samrøystes vedtak i kontrollutvalet 10.11.14:

Etne kontrollutval tar rådmannen sin presentasjon om «skulesektoren» til orientering.

SAK 23/14 ORIENTERING OM FRAMLEGGET TIL BUDSJETT 2015 OG ØKONOMIPLAN 2015-2018

Sekretariatet si innstilling:

Etne kontrollutval tar rådmannen sitt framlegg til budsjett for 2015 og økonomiplan 2015-2018 til orientering.

Handsaming i kontrollutvalet 10.11.14:

Rådmannen, supplert av leiar økonomi, gjorde greie for framlegget til budsjett for 2015 og økonomiplanen. Han gjorde greie for den vidare handsaminga av framlegget, som skal enda opp med at kommunestyret gjer sitt vedtak 16. desember.

Rådmannen gjorde greie folketalsutvikling, dei frie inntektene og store inntektspostar, ulike satsingsområde, investeringar, lånegjeld, nivåa på kommunale gebyr og prisen på kommunale tenester. Kommunen har stram økonomi og han gjorde greie for dei ulike alternativa til sparepakkar. Det var utarbeidd eit framlegg til innsparingar for kvar eining. Han peika på at det også var fleire satsingsområde i budsjettet, og at dei folkevalde måtte gjere vanskelege prioriteringar. Medlemmene hadde nokre spørsmål undervegs, som rådmannen svara på.

Samrøystes vedtak i kontrollutvalet 10.11.14:

Etne kontrollutval tar rådmannen sitt framlegg til budsjett for 2015 og økonomiplan 2015-2018 til orientering.

SAK 24/14 OPPFØLGING AV RAPPORT «MÅLSTYRING»

Sekretariatet si innstilling:

Kontrollutvalet i Etne tek rådmannen si tilbakemelding om oppfølging av rapporten «Målstyring» til orientering.

Melding om oppfølging sendes kommunestyret til orientering.

Handsaming i kontrollutvalet 10.11.14:

Rådmannen orienterte kort om saka og viste til sitt brev. Medlemmene drøfta svaret frå rådmannen, og var samde om at svaret viste at rådmannen hadde fylgt opp tilrådingane i rapporten på ein tilfredsstillande måte.

Samrøystes vedtak i kontrollutvalet 10.11.14:

Kontrollutvalet i Etne tek rådmannen si tilbakemelding om oppfølging av rapporten «Målstyring» til orientering.

Melding om oppfølging sendes kommunestyret til orientering.

SAK 25/14 REGLEMENT FOR KONTROLLUTVALET – ENDRING VEDK. KAP. 8 OM HØYRING

Sekretariatet si innstilling:

Etne kommunestyre vedtek å oppdatere reglementet for Etne kontrollutval som følge av lovendring om kontrollutval og lukking av møta.

Innleiinga av kap. 6 og kapittel 8 om høyring vert endra i samsvar med vedlagt reglement.

Handsaming i kontrollutvalet 10.11.14:

Utvalssekretær gjorde greie for dei viktigaste endringane. Utvalet hadde ingen merknader.

Samrøystes vedtak i kontrollutvalet 10.11.14 og innstilling til kommunestyret:

Etne kommunestyre vedtek å oppdatere reglementet for Etne kontrollutval som følge av lovendring om kontrollutval og lukking av møta.

Innleiinga av kap. 6 og kapittel 8 om høyring vert endra i samsvar med vedlagt reglement.

SAK 26/14 VAL AV FORVALTNINGSREVISJONSPROSJEKT 2015

Sekretariatet si innstilling:

Etne kontrollutval ber KPMG AS om å legge fram utkast til prosjektmandat på forvaltningsrevisjonsprosjektet "xxxxx" til neste møte.

Handsaming i kontrollutvalet 10.11.14:

Medlemmene drøfta ulike framlegg til prosjekt som kunne vera aktuelle no. Leiar meinte det ikkje var noko prosjekt som utmerka seg. Han gjorde framlegg om at utvalet skulle vente med å velje nytt prosjekt til neste møte. I mellomtida ville han undersøkje/snakke med aktuelle personar for å få innspel til kva for eit prosjekt som ville vera best/gjere mest nytte å få undersøkt no. Ved votering fekk leiar sitt framlegg 3 røyster. E. Aasheim ynskte å ta ei avgjerse i møtet, og røysta imot ei utsetjing.

Vedtak i kontrollutvalet 10.11.14:

Etne kontrollutval vedtek å utsetja val av nytt forvaltningsrevisjonsprosjekt til neste møte 09.02.15.

SAK 27/14 MØTEPLAN 2015

Sekretariatet si innstilling:

Kontrollutvalet i Etne vedtar følgjande møteplan for 2015:

MØTE	TIDSPUNKT	MERKNADER
Måndag 9. februar	Kl. 13.00	
Måndag 11. mai	Kl. 13.00	
Måndag 21. september	Kl. 13.00	
Måndag 23. november	Kl. 13.00	Nytt utval

Handsaming i kontrollutvalet 10.11.14:

Utvallssekretær gjorde greie for framlegget til møteplan. Utvalet slutta seg til framlegget.

Samrøystes vedtak i kontrollutvalet 10.11.14:

Kontrollutvalet i Etne vedtar følgjande møteplan for 2015:

<i>MØTE</i>	<i>TIDSPUNKT</i>	<i>MERKNADER</i>
<i>Måndag 9. februar</i>	<i>Kl. 13.00</i>	
<i>Måndag 11. mai</i>	<i>Kl. 13.00</i>	
<i>Måndag 21. september</i>	<i>Kl. 13.00</i>	
<i>Måndag 23. november</i>	<i>Kl. 13.00</i>	<i>Nytt utval</i>

EVENTUELT

Ingen saker blei meldt.

Neste møte: 09.02.15, kl. 13.00

Etne/Aksdal, 10.11.14

Ståle Tungesvik
Kontrollutvalsleiar


Odd Gunnar Høie
Utvallssekretær